

1 Jon

Nalobulat napolisulan na-vəha-sual-an aJon totoni

Ase itos nalobulat egai?

AJon tovi ahai susur siYesu, gai itosi.

AJon itos nalobulat egai hən nəsa?

Itosi hən beṽusan alat siYesu hən naṽide hən ləḃitoh, ḃon mai aGot mai nəvanuan tile gail.

AJon itos nalobulat mōs ase?

Itosi van hən alat lotokad nadəlomian len aYesu Kristo len naut ḃisi.

AJon itos nalobulat ḡais?

Hum ma totoni len nasihau A.D. 90.

1) Na-ke-ivoi-an (1.1-4)

2) Samteləmas naṽide tosa alat navile a pan lotokade. Mititoh tinor hən naḃusanan seNunun aGot, husur aGot ivoi ḃisi (1.5–2.27)

3) Datimasveveu buni, ləmas bun gidat gabag, riḡ gat nəlodato len aKristo. Datimasbunus kitev naḃusanan sihai ḃusan gail ke evi kitinan o ebuer. Datbigol ḃimagenan, datoləboi datbeḃəhaṽur len nəhon aKristo len natəlmaman san (2.28–4.6)

4) Datimasləmas bun gidat gabag hən datḃeləboi ke datutoh len naṽide tonor hən naḃoruan siGot. Datimasgol timagenan husur aNunun aGot ikel koti ke aYesu egəm hən datḃikad nəmauran vi sutuai (4.7–5.12)

5) Nə-maris-kotovi-an (5.13-21)

Na-ke-ivoi-an

1 ¹Ginau notos nalobulat egai van hən gamito husur naSoruan hən nəmauran^a totoh tia len natuḃatan.^b Namtosəsəloḡ həni, namtorisi. Evoi, namtorisi hən namətanamito, namtubari hən navəlanamito. ²AGot igol ke nəmauran tovisi, ale ginamit namtorisi, namtukel kot nakitinan husuri. Namtukel ur nəmauran vi sutuai mai gamito, nəmauran vi sutuai totah mai aTata. Ale aTata igol tovisi hən ginamito.^c ³Namtukel ur nəsa namttorisi mai nəsa namttosəsəloḡ həni mai gamito, hən gamit

^a 1.1 Nəboḡ aJon tosor husur naSoruan hən nəmauran, isor husur aYesu Kristo.

^b 1.1 Jon 1.1 ^c 1.2 Jon 1.14

am mæt̃b̃eləboi mæt̃b̃ikad nābonan mai ginamito. Avil nābonan sidato dattokade, datukade mai aTata mai aNatun tovi aYesu Kristo. ⁴Namtutos natgalenan hən ləb̃igol nəlonamito tepul səsəhov hən nakemkeman.

AGot evi nañial, toh len nañial

⁵Ale egai evi napisulan namttosəsəloŋ həni len gai. Gai ikele ale namtukel uri mai gamito maiegai ke: aGot evi m̃ial; səkad nəmargobut ideh lan. ⁶Datbikele ke dattokad nābonan maii tia be dat̃biyar len nəmargobut sal, datolibloŋ, nəmauran sidato saṽusan nakitinan. ⁷Avil dat̃biyar len nañial suñan aGot, totoh len nañial, datukad nābonan mai gidat gabag ale nəda hiYesu, aNatun, ekəkas gidato hən b̃ilav kuv nəsaan sidato. Igol gidato datuveveu len nəhon.

⁸Datbikele ke datsəkad nəsaan ideh, datogəras gidat gabag, ale nakitinan eḅuer len gidato. ⁹Be dat̃bikel vəhot nakitinan hən nəsaan sidato, dərəh aGot teruḅat nəsaan sidato, tigol dativeveu dan naṽide tosa p̃isi. Igol natgalenan husur ke akis igol nəsa tokele, akis igol nəsa tonor.^d ¹⁰Datbikele ke datsagol nəsaan, datorij nəhes len aGot ke tovi Nəvanuan Nalibloŋan, ale nasoruan san eḅuer len nəlodato.

2 ¹Tuhnaturgw gail len nadəlomian, nutos natgalenan van hən gamito hən asike mət̃b̃igol nəsaan. Avil gidat ideh b̃igol nəsaan, datukad avan sua tosor m̃os gidato len nəhon aGot Tata, tous aTata hən b̃eruḅat nəsaan sidato, nahəsən aYesu Kristo, gai tonor buni. ²Gai etutumav hən nəmauran san gabag hən dat̃bikad naruḅatian dan nəsaan sidato. Be savi gidato ŋai, igole m̃os alat navile a pan kavkav.^e ³Ale dateləboii ke datoləboi aGot mabe? Gidat dat̃b̃igol nəsa gai tokele, datoləboii. ⁴Avan ideh b̃ike, “Noləboi aGot, novi esan,” be sagol nəsa aGot tokele, atenan evi nəvanuan nalibloŋan, ale nakitinan səpat lan. ⁵Be gidat ideh dattogol nəsa aGot tokele, len nəlodat kavkav datoləmas bun aGot. Len naṽide tomaienən datoləboi buni ke datutoh len gai. ⁶Datbikele ke datutoh tin len aGot, datimastoh husur naṽide aYesu tokade len nəmauran san.

Datimasləmas bun gidat gabag

⁷Gamit notoləmas bun gamit p̃isi, nəsatos nakelean veveu todaŋ van hən gamito. Ao, evi nakelean todaŋ ta sutuai mət̃tokade len natuḅatan. Nakelean egai todaŋ evi nasoruan mət̃tosəsəloŋ həni tia.^f ⁸Avil tarhəte, evi nakelean veveu todaŋ nototosi gagai van hən gamito husur nakitinan han evisi len nəmauran seKristo, ale len nəmauran samito. Husur nəmargobut satovan vəmasig ale nañial kitin etuḅat tia hən toñial.

^d 1.9 Psa 32.1-5 ^e 2.2 Rom 3.25-26 ^f 2.7 Jon 13.34

⁹Gidat ideh b̄ikele ke totoh len nañial, avil b̄emətahun bun nəbat-hudud nadəlomian ideh san, gai itoh sal len nəmargobut.^g ¹⁰Avil gidat ideh b̄eləmas bun nəbathudud nadəlomian ideh san, gai itoh tin len nañial, ale səkad natideh len nəlon togol avan ideh b̄ipes haβetw, teh len nəsaan. ¹¹Be gidat ideh b̄emətahun bun nəbathudud nadəlomian ideh san, gai itoh len nəmargobut, iyar len nəmargobut, ale etətan hən naut tovi lan, husur nəmargobut igol namətan iβesw.

¹²Nutos nategai van hən gamit atuhnaturg wail,
husur nəsaan samit gail lumarub̄at bathut nəsa aYesu togole m̄os gamito.

¹³Nutos nategai van hən gamit atata gail,
husur ke mət̄toləboi tia aKristo totoh tia len natub̄atan.^h
Nutos nategai van hən gamit nəmantuhmar gail,
husur ke len nəbalan mai atenan tosa v̄əsa tovi təmat, mətowin tia.

¹⁴Nutosi van hən gamit atuhnaturg wail
husur mət̄oləboi aTata.
Nutosi van hən gamit atata gail
husur mət̄oləboi tia ategaii totoh tia len natub̄atan.

Nutosi van hən gamit nəmantuhmar gail,
husur mət̄udaŋ, mai nasoruan siGot ipat tabtab len gamito,
ale len nəbalan mai atenan tosa v̄əsa tovi təmat, mətowin tia.

¹⁵Samteləmas bun nañide sinavile a pan mai natit gail sinavile a pan. Husur mət̄beləmas bun nañide mai natit gail sinavile a pan, mət̄saləmas bun aGot Tata. ¹⁶Bathut natit p̄isi len navile a pan, na-ləŋon-masuṽ-həni-an hən nibemito, na-ləŋon-masuṽ-həni-an hən namətamito, nañivan len na-pul-hən-natite-an, natgalen p̄isi ləsagəm len aTata, ao logəm len navile a pan egai tosa. ¹⁷Ale navile a pan mai naləŋonian san gail lotosa, gagai ivan van v̄əmasig; avil avan ideh togol naləŋonian siGot, itoh tin van vi sutuai.

Aenemi seKristo gail

¹⁸Anaturg wail, namityal naməkot hən navile a pan egəm p̄əpadaŋ. Mət̄osəsəloŋ həni tia ke avan sua tovi enemi seKristo dereh tegəmai, ale gagai nəvanuan tosoḅur lotovi enemi seKristo lovisi tia. Husur natgalenan, datoləboi ke gagai evi namityal naməkot hən navile a pan.ⁱ ¹⁹Nəvanuan galenan luvan dan gidato dattovi siYesu, be ləsavi gidat ideh; husur lətavi gidat ideh, lətətah mai gidat sal. Be husur ke lotovan, eṽusani ke ləsavi gidat ideh.

^g 2.9 Len alat siYesu, galevis lokis galit gabag hən aKristen, be ləb̄emətahun naKristen gail am, logəras galit gabag ke lotovi Kristen ^h 2.13 Jon 1.1 ⁱ 2.18 Mat 24.5, 23-24; Mak 13.21-22

²⁰Avil gamito, aKristo eviol hən aNunun mai gamito ale gamit p̄isi mətöləboi nakitinan. ²¹Mətunau ke nutos nategai van hən gamito husur ke mətosaləboi nakitinan a? Ao. Nutosi husur ke mətöləboi nakitinan, mətöləboi ke naliboŋan p̄isi ləsagəm len nakitinan.

²²Nəvanuan nalibliboŋan evi ase? Evi nəvanuan tomətahun b̄ike aYesu tovi aKristo, ikele ke aYesu savi aKristo, aGot sətəbtəbuh lan. Nəvanuan enan evi enemi seKristo, ike aGot savi aTata mai aYesu savi aNatun, emətahun gələr p̄isi. ²³Avan ideh tomətahun aNatun aGot, gai sətah mai aTata am. Be avan ideh tokel uri ke tovi siNatun aGot, gai itah mai aTata am.^j

²⁴Nəsa mətətosəsəlōŋ hən len natubatan hən nəmauran mətətokade len aKristo, mitimastəgau gati len nəlomito. Mətβetəgau gat nəsa mətətosəsəlōŋ hən len natubatan, dereh gamit am mititoh tin len aNatun aGot mai aTata. ²⁵Ale ikel gat na-kel-gati-an egai ke: dereh tigol datikad nəmauran vi sutuai.

²⁶Nutos natgalenan van hən gamito, nutos husur alat lotoke ləbēgəras gamito. ²⁷Be gamito, aYesu eviol hən aNunun aGot mai gamito, gai itoh tin len gamito gol ke mətəsam̄idol len nəpusanan ideh hən avan ideh am b̄ēvusan gamito. Evi aNunun aGot tovusan gamito hən nakitinan husur natit p̄isi; nəsa topusan hən evi nakitinan, savi naliboŋan. Suṃan ke tovusan gamito, toh tin len aKristo.

²⁸Evoi, anaturgw gail len nadəlomian, mititoh tin len aKristo, hən ke nəboŋ βetəlmam asike datβikad nə-lon-uri-an, asike datβikad namətahwan, asike nahurudat bisa len nəhon. ²⁹Mətβeləboi ke aGot tonor, mətöləboi am ke nəvanuan p̄isi lotogol nanoran, nəpasian salito egəm len aGot.

Anatun aGot gail

3 ¹Məteris na-ləmas-buni-an aTata toviol masuṽ hən mai gidato, hən gai βekis gidato hən anatun gail. Ekitin, datovi anatun aGot gail!^k Imagenan, nəvanuan navile a pan ləsaləboi gidato, bathut ke ləsaləboi aGot. ²Gamit notoləmas bun gamit p̄isi, gidato datovi anatun aGot gail tia, be dereh dategəm suṃan nəsa? Datsaləboi, savisi sal. Avil datoləboi ke nəboŋ aKristo βevisi, dereh datesuṃan gai husur dereh dateris p̄arpar hən hum gai kitin. ³Ale galit p̄isi lotokad nə-vatvat-viri-an hən ləberis maien hən, lotəgau gat tabtab hən naveveuan hən nəlolit gabag suṃan ŋai aKristo toveveu.

⁴Avan ideh togol nəsaan ebur kotov nalo siGot husur nəsaan evi nəbur-kotov-nalo-an. ⁵Ale mətöləboi ke aKristo evisi hən b̄ilav kuv nəsaan gail. Mətöləboi gai səkad nəsaan ideh lan. ⁶Nəvanuan p̄isi lototoh tin len

^j 2.23 Mat 11.27; Jon 5.23, 15.23 ^k 3.1 Jon 1.12

gai ləsagolgol nəsaan; nəvanuan p̄isi lotogolgol nəsaan, ləsarisi boŋ ideh, ləsaləboii.

⁷Tuhnaturgw gail, avan ideh sategəras gamito. Nəvanuan togolgol nəsa tonor, inor, hum aKristo tonor; ⁸avan ideh togolgol nəsaan, gai evi setəmat husur natəmat igolgol nəsaan len natubatan van vəbar daməŋai. Bathut natenan, aNatun aGot evisi m̄os b̄emədas nauman gail setəmat hən ləbimasig.

⁹Nəvanuan p̄isi lotokad nəpasian salito len aGot, ləsagolgol nəsaan am husur nəboruan siGot ipat len nəlolito, iṽan hum namisurhuhai toṽan, gol lodədas ləb̄igol nəsaan bathut lukad nəpasian len aGot tolav nəmauran mai galito. ¹⁰Anatun aGot gail lotile len anatun natəmat gail maiegai ke: nəvanuan p̄isi ləsagolgol nanoran, mai nəvanuan p̄isi ləsaləmas bun nəbathudud nadəlomian ideh salito, lovi setəmat, ləsavi siGot.^l

¹¹Imaienan, egai evi nasoruan mət̄tosəsəloŋ həni len natubatan ke: datimasləmas bun gidat gabag.^m ¹²Sadatesuṽan aKen tovi sitenan tosa vəsa masuṽ tovi təmat. Sadatesuṽan aKen, gai togol Apel, aṽan, tomat.ⁿ Ale aKen igole imat sil nəsa? Igole bathut natgalenan aKen togole lusa vəsa, be natgalenan aṽan togole lunor.

¹³Imaienan bathudud nadəlomian, alat navile a pan ləb̄emətahun bun gamito, samtesəhoṽut len na-mətahun-buni-an salito.^o ¹⁴Datoləboii ke dattomakuv dan nəmatan vābis len nəmauran tia bathut ke dattoləmas bun nəbathudud nadəlomian.^p Avan ideh saləmas bun galito, gai səmakuv dan nəmatan sal. ¹⁵Galit ideh tomətahun bun nəbathudud nadəlomian ideh evi nəvanuan na-gol-nəmatan, ale hum mət̄toləboii, nəvanuan na-gol-nəmatan səkad nəmauran vi sutuai lan. ¹⁶Datoləboii tia ke naləmas-buni-an imaiegai ke: aYesu Kristo eviol kəmas hən nəmauran san m̄os gidato; imaienan, gidat m̄au, datehəhəṽur hən datbeviol hən nəmauran sidato m̄os nəbathudud nadəlomian. ¹⁷Avan ideh topul hən natite sinavile a pan, toris nəbathudud nadəlomian ideh topar tit hən b̄imaurlan, ale asike nəlon b̄itanjisi, imabe? Gai ikad naləmas-buni-an siGot len nəlon a? Aoa!^q

¹⁸Tuhnaturgw gail, sadateləmas bun gidat gabag hən nasoruan o nəsa datb̄ikele ŋai, be dateləmas bun gidat gabag len nakitinan mai len nəsa datb̄igole. ¹⁹Datb̄eləmas bun gidat gabag maienan, dereh dateləboii ke dattovi sinakitinan; dattovi siGot tovi nakitinan. Imaienan dereh nəlodat tikad natəmat len nəhon aGot, ²⁰naut kəmas nəlodat tokel mai gidat səb̄odato ke datimaspanis. Husur aGot esəhor masuṽ hən nəlodato, gai

^l 3.10 Len alat siYesu, galevis lokis galit gabag hən aKristen, be asike ləb̄eləmas bun naKristen gail am, logəras galit gabag ke lotovi Kristen. ^m 3.11 Jon 13.34

ⁿ 3.12 Gen 4.1-8 ^o 3.13 Luk 6.22; Jon 15.18-19, 17.14 ^p 3.14 Jon 5.24

^q 3.17 Deu 15.7-8

eləboi natit p̄isi. ²¹Gamit, notoləmas bun gamit p̄isi, asike nəlodato səbodat b̄ikel mai gidat ke datb̄ipanis, be nəlodat b̄imasil, datukad na-il- b̄uri-an hən datb̄eil len nəhon aGot. ²²Ale dereh aGot teviol hən natideh datb̄eusi hāni, husur datugol nəsə gai tokele, datugol natit gail lotogol gai tohəhəvur. ²³Ale nakelean todaŋ san ekəmaiegai ke: Datimaskad nadəlo- mian len nahəsən aNatun tovi aYesu Kristo, datimasriŋ nəlodato lan. Ale datimasləmas bun gidat gabag hən datb̄ehusur nakelean todaŋ gai tokel mai gidato.^r ²⁴Alat lotogol nəsə aGot tokele, galit lutoh tin len gai, ale gai itoh tin len galito. Ale len aNunun gai toviol hāni mai gidato, datoləboi ke gai itoh tin len gidato.

ANunun aGot o nanunun gəgəras?

4 ¹Gamit, notoləmas bun gamit p̄isi, samtedəlom nanunun p̄isi, be mətəbunus səhot gail ke lovi siGot o ləsavi esan. Mitigol timaienan husur ahai kelkel ur gəgəras isoḃur lovi lan naut p̄isi len navile a pan.^s ²Mətoləboi mətḃeləboii ke tovi aNunun aGot maiegai: ideh tokel uri ke aYesu Kristo egəm vi vanuan tokad niben, gai evi siGot, ³wake ideh sakel uri, gai imabe? Gai savi siGot. Evi nanunun atenan tovi enemi seKristo tabtab. Mətəsəsəloŋ hāni ke atenan tovi enemi seKristo b̄egəmai, ale gagai itoh tia len navile a pan.

⁴Tuhnətuŋw gail, mətovi siGot ale mətəsəhor ahai kelkel ur gəgəras galenan husur aNunun aGot totoḃ len gamito esəhor natəmat totoḃ len alat navile a pan.^t ⁵Ahai kelkel ur gəgəras galenan lovi sinavile a pan, imaienan nasoran salito egəm len nənauan sinavile a pan, gol ke navile a pan losəsəloŋ hən galito. ⁶Be ginamito, namtovi siGot, ale alat lotoləboi aGot losəsəloŋ hən ginamito. Galevis ləsavi siGot. Galito, ləsəsəsəloŋ hən ginamito, lomətahun ginamito. Husur natgalenan beti, datoləboi datḃeləboi səhot aNunun nakitinan mai nanunun nagəgərasan.

AGot evi na-ləmas-buni-an

⁷Gamit, notoləmas bun gamit p̄isi, dateləmas bun gidat gabag tab- tab bathut aGot evi nəkadun na-ləmas-buni-an. Gidat ideh toləmas bun ideh am maienan ikad nəpasian len aGot, eləboi aGot. ⁸Gidat ideh asike ḃeləmas bun ideh am maienan, gai imabe? Gai saləboi aGot, bathut aGot evi na-ləmas-buni-an. ⁹AGot eləmas masuḃ hən gidato. Eḃusan na-ləmas- buni-an san təban gidato maiegai ke: esəvat aNatun uluḃman tosua səḃon vi lan navile a pan, hən, len gai, datḃikad nəmauran kitin.^u ¹⁰Na-ləmas- buni-an kitin evi nəsə? Mətunau ke evi na-ləmas-buni-an dattokade nəḃoŋ dattoləmas bun a Got a? Ao, savi enan. Na-ləmas-buni-an kitin evi

^r 3.23 Jon 13.34, 15.12, 17 ^s 4.1 Deu 13.2-6 ^t 4.4 Len naut egai, nəḃoŋ toke, *mətəsəhor ahai kelkel ur gəgəras*, namilen ke mətəoil gəgat len nakitinan. ^u 4.9 Jon 3.16

na-ləmas-buni-an siGot toləmas bun gidato, tosəvat aNatun hən betutumav hən nəmauran san gabag, hən ke, len gai, aGot b̄erub̄at nəsaaan sidato gail dan gidato.^v

¹¹Gamit, notoləmas bun gamit p̄isi, aGot b̄eləmas bun gidato len nāvide tomaienān, gidat m̄au datimasləmas bun gidat gabag. ¹²Səkad avan ideh toris aGot bōj ideh. Be datb̄eləmas bun gidat gabag, aGot itoh tin len gidato gol ke na-ləmas-buni-an san len gidato isarpoh buni sūmān toləjoni.^w

¹³Datunau ləboii ke dattotoh tin len aGot ale datunau ləboii ke gai totoh tin len gidato husur eviol hən aNunun mai gidato. ¹⁴Ale namtorisia ke, namtukel koti ke aTata esəvat aNatun ulumān hən b̄ilav kuv alat navile a pan dan nəsaaan salito.^x ¹⁵Avan ideh tokel koti len nəhon nəvanuan gail ke aYesu tovi aNatun aGot, aGot itoh tin len avan enan ale avan en itoh tin len aGot. ¹⁶Ale datoləboi tia na-ləmas-buni-an aGot toka-de, toləmas bun gidat həni. Datorij nəlodato len na-ləmas-buni-an enan. AGot evi na-ləmas-buni-an, ale avan ideh totoh tin len na-ləmas-buni-an enan, gai itoh tin len aGot mai aGot itoh tin len gai.

¹⁷Husur natenan, aGot igol ke na-ləmas-buni-an san len gidato isarpoh buni sūmān toləjoni, hən ke datb̄ikad na-il-b̄uri-an len nəhon nəboj aGot b̄epəpəhun navoian dan nəsaaan. Imaienān husur len natohan len navile a pan egai, datutoh tin len aGot sūmān aYesu totoh tin len aGot. ¹⁸Namətahwan eb̄uer len na-ləmas-buni-an be na-ləmas-buni-an kitin ehut namətahwan, husur nəpanismen evi nəkadun namətahwan. Avan ideh tomətahw len nəpanismen, na-ləmas-buni-an siGot lan səsarpoh sūmān aGot toləjoni.

¹⁹Datukad na-ləmas-buni-an bathut a m̄o aGot eləmas masūv hən gidato. ²⁰Avan ideh b̄ike, “Noləmas bun aGot,” be emətahun bun nəbathudud nadələmian ideh, gai evi nəvanuan naliblibojan. Husur asike b̄eləmas bun nəbathudud nadələmian ideh torisi tia, imabe eləmas bun aGot gai sarisi? Saləboi b̄igole. ²¹Ale aGot ikel nategai hən gidato ke, avan ideh toləmas bun aGot, timasləmas bun nəbathudud nadələmian san tu.^y

Nadələmian len aYesu, aNatun aGot

5 ¹Nəvanuan p̄isi lotodələmi ke aYesu evi aKristo, aGot totabtabuh lan, galit lukad nəpasian salito len aGot. Ale galit p̄isi lotoləmas bun gai topasus, loləmas bun ideh tokad nəpasian lan am. ²Datoləboii ke dattoləmas bun anatun aGot gail nəboj dattoləmas bun aGot, dattogol nəsa tokele. ³Bathut datb̄eləmas bun aGot, dereh datigol nəsa tokele. Ale natgalen tokel gail, ləsədaŋ hən datb̄igol gail.^z ⁴Husur galit p̄isi

^v 4.10 Rom 5.8, 10; 1Jon 2.2 ^w 4.12 Jon 1.18 ^x 4.14 Jon 3.17, 4.42

^y 4.21 Mat 22.36-40; Mak 12.28-31; Luk 10.25-28 ^z 5.3 Jon 14.15

lotokad nāpasian len aGot, loil gēgat dan nāvide tosa gail silat navile a pan, lowin. Nadālomian sidato evi nādanjan hən dattoil gēgat dan nāvide silat navile a pan. ⁵Ase eləboi bēil gēgat dan nāvide silat navile a pan? Nəvanuan todəlomi ŋai ke aYesu evi aNatun aGot.

⁶AYesu Kristo evi gai togəm hən bībaptais len nəwai mai hən nəda han bīsel len nəmatan san. Len nəwai mai nəda egəmai.^a Savi nəwai hən nəbaptaisan san ŋai be nəwai enan mai nəda hən nəmatan san. Ale evi aNunun aGot tokel koti bathut ke aNunun aGot tovi nakitinan. ⁷Husur itor enan lukel kot nakitinan,^b ⁸aNunun aGot mai nəwai mai nəda; ale lototor lukel kot natit toṗitov ŋai. ⁹Len nakotan datodəlom na-kel-koti-an sinəvanuan, be nakitinan hən na-kel-koti-an siGot esəhori husur evi na-kel-koti-an aGot tokel koti husur aNatun uluṃan. ¹⁰Imaienan, alat lotorin nəlolit len aNatun aGot lodəlom nəsa aGot tokel koti husur aNatun ale lukad nadəlomian enan len nəlolito. Avil alat ləsədəlom aGot ehum lotoke aGot tolibliboŋ husur ləsədəlom na-kel-koti-an aGot tokele husur aNatun uluṃan. ¹¹Na-kel-koti-an imaiegai ke: aGot eviol hən nəmauran vi sutuai mai gidat tia ale nəkadun nəmauran enan evi aNatun uluṃan. ¹²Alat lotokad aNatun aGot len nəlolito, lukad nəmauran enan; ale alat ləsəkad aNatun uluṃan aGot len nəlolito, lumabe? Ləsəkad nəmauran enan.^c

¹³Nutos natgalenan van hən gamit məttoŋ nəlomito len nahəsan aNatun aGot hən mətbeləboii ke məttoƙad nəmauran vi sutuai. ¹⁴Gidato, datsəkad nə-lon-uri-an len nəhon aGot ke, datbeusi hən natideh tonor hən naləŋonian san, dereh gai tesəsəloŋ hən gidato. ¹⁵Ale datbeləboii ke tośəsəloŋ hən natideh datousi hən, beti datoləboii ke eviol hən nəsa dattousi hən.

¹⁶Gəberis nəbathudud nadəlomian ideh togol nəsaan, be savi nəsaan togol tomakuv dan aGot, gisor tuṽ ṃosi, ale dereh aGot teviol hən nəmauran kitin maii.^d Nusor husur nəsaan savi nəsaan togol nəvanuan tomakuv dan aGot, be ikad nəsaan sua togol nəvanuan tomakuv dan aGot vi sutuai, ale nəsakele ke gisor tuṽ ṃos galit lotogol enan. ¹⁷Natit pīsi ləsanor lovi nəsaan, be ikad nəsaan galevis ləsagol nəmatan, ləsagol ke nəvanuan tomakuv dan aGot vi sutuai.

¹⁸Datoləboii ke nəvanuan pīsi lotokad nāpasian salit len aGot, ləsəgolgol nəsaan husur aNatun aGot ihavhav hən galito, etəgau gol galito hən gai tosa vəsa masuṽ tovi təmat bədədas bībar galito. ¹⁹Datoləboii ke datovi siGot naut kəmas ke galit am lotosuh len navile a pan lutoh len navəlan gai tosa vəsa tovi təmat. ²⁰Ale datoləboii ke aNatun aGot togəm

^a 5.6 Len nasoruan ta Kris, *baptais* səpat, ike *nəwai* ŋai ale nəvanuan namitisau hən nasoruan siGot lunau ke *nəwai* evi nəwai hən nəbaptaisan. ^b 5.7 Deu 19.15 ^c 5.12 Jon 3.36

^d 5.16 Nəsaan togol nəvanuan tomakuv dan aGot evi nəsaan togol nəvanuan tomat vi sutuai.

tia ale eviol hən naləboian hən datbeləboi aGot kitin, ale datutoh tin len aGot kitin, datutoh tin len aNatun uluṃan, aYesu Kristo. Atenan evi aGot kitin, evi nəmauran vi sutuai.

²¹Bathut enan, anatugw gail len nadəlomian, mətələlgau hən gamito dan nagot gəgəras gail.